



ՆՈՐԻՆ ՍՈՒՐԲ ՕՇՈՒԹՅՈՒՆ Տ. Տ. ՎԱԶԳԵՆ Ա ՀԱՅՐԱՊԵՏԻ ԱՆՎԱՆԱԿՈՋՈՒԹՅԱՆ ՏՈՆԻ ԱՌԹՎ ՍՏԱՑՎԱԾ ՆԵՌԱԳՐԵՐ

Փետրվարի 28-ին, Ս. Վարդանանց տոնի օրը, Ամենայն Հայոց Մայրագոյն Պատրիարք և Կաթողիկոս Նորին Ս. Օծուխուն Տ. Տ. Վազգեն Ա-ի անվանակոչության տոնն էր:

Այս ուրախ առթիվ ստացվեցին բաշխարհիվ շնորհավորական հեռագրեր, նամակներ, ուղերձներ Մայր Աթոռի հավերժության և անսասանության, Հայ Եկեղեցու պայծառության և Վեհափառ Հայրապետի թանկագին կյանքի արեւատության, առողջության և արդյունավետ գործունեության անկեղծ ու սրտագին մաղթանքներով:

Վեհափառ Հայրապետի հրամանով և Նրա անունից, Մայր Աթոռի պաշտոնաթերթ «Էջմիածին» ամսագրի խմբագրությունը սրտագին շնորհակալություն է հայտնում Վեհափառ Հայրապետի անվանակոչության տոնի առթիվ ստացված շնորհավորական նամակների, գրությունների և հեռագրերի համար:

Հրատարակում ենք միայն Թյուրքիո Հայոց Պատրիարք Ամենապատիվ Տ. Գարեգին արքեպիսկոպոս ինչպես նաև Երուսաղեմի Հայոց Պատրիարքական տեղապահ Ամենապատիվ Տ. Տիրան արքեպիսկոպոս Ներսոյանի շնորհավորական հեռագրերը:

ՆՈՐԻՆ ՍՈՒՐԲ ՕՇՈՒԹՅՈՒՆ Տ. Տ. ՎԱԶԳԵՆ Ա ԿԱԹՈՂԻԿՈՍ ԱՄԵՆԱՅՆ ՀԱՅՈՑ

ԷՋՄԱԾԻՆ

Վեհիշ անվանակոչության առթիվ ընդունեցե՛ք մեր և Ձեր բոլոր հոգևոր գավախաց սրտագին շնորհավորանքն ու մաղթանքները Ձեր թանկագին կյանքին բաշխողության, արեւատության և Ձեր եկեղեցանվեր բոլոր ձեռնարկներուն հաջողության համար:

ԹՅՈՒՐԷՐԻՈ ՀԱՅՈՑ ՊԱՏՐԻԱՐԺ
ԳԱՐԵԳԻՆ ԱՐԲԵՊԻՍԿՈՊՈՍ ԽԱԶԱՏՈՒՐԵԱՆ

ՍՏԱՄԱՐՈՒ

ՆՈՐԻՆ ՍՈՒՐԲ ՕՇՈՒԹՅՈՒՆ Տ. Տ. ՎԱԶԳԵՆ Ա ԿԱԹՈՂԻԿՈՍ ԱՄԵՆԱՅՆ ՀԱՅՈՑ

ԷՋՄԱԾԻՆ

Մեր միաբանության և ժողովրդի կողմեն հարգալից շնորհավորություններ Ձերդ Ս. Օծության անվանակոչության տոնին առթիվ: Աղոթեցինք ամենափրկիչ Տիրոջ, որպեսզի Ձեզ շնորհե երկար և արդյունավոր կյանք և Ձեզ ու Մայր Աթոռը պահե իր հովանիին ներքև:

ԵՐՈՒՍԱՂԵՄԻ ՀԱՅՈՑ ՊԱՏՐԻԱՐԺԱԿԱՆ ՏԵՂԱՊԱՀ
ՏԻՐԱՆ ԱՐԲԵՊԻՍԿՈՊՈՍ ՆԵՐՍՈՅԱՆ

ԵՐՈՒՍԱՂԵՄ

